



10.nov 2020

UKA2020/110

**Tasiilap eqqaani piniarnermik nakkutilliisoqartitsisoqalernissaa suliareqqullugu Naalakkersuisut peqquneqarnissaanik Inatsisartut aalajangiiffigisassaatur siunnersuut.**

(Siumup Inatsisartunut ilaasortaaitai)

Inatsisartut ilaasortat Siumumeersut aalajangiiffigisassamik siunnersuuteqarput, tassalu Tasiilap eqqaani piniarnermut nakkutilliisoqalernissaanik tamanna oqaaseqarfigissavarput.

Tasiilami eqqaanilu piniarnermik nakkutilliisoqalernissaanik siunnersuut saqqummiussaqtunngavilersuutigineqartullu annerusumik eqqartorneqaratik isummersorfissaqt assut ajornakusooraluarpoq taannaannak eqqarsaatigigaanni.

Tunngavilersuut issuaaffigilaassavara ” Tasiilap eqqaani piniarnermut nakkutilliisoqalernissaa qangali kissaataasarpog. Ataasiannaranilu innutaasunik ataatsimiisitsinermi aamma kissaatitut qaqinneqartarnikuullu” issuaaneq naavoq.

Uani siunnersuumi tunngavilersuinermi suut pineqarnersut aammalu qanoq atorneqassanersog taakkartorneqarsimanngilaq. Umassusillit suut illersorlugillu nakkutigineqassanersut ataatsimilluunnit taasaqartoqarsimanngilaq.

Tasiilap eqqaani nunaqarfiit ilanngullugit innuttaasunut neqissaqarniarnikkut killiffiusog isigigaanni imaaliinnarlugu akuerineqarsinnaannngilaq. Taava suut ulluinnarni inuuniarnermikkut suut tunngavigalugillu inuussutigalugillu napaniutigissagamikkit.

Tasiilaq eqqaamiulu ilanngukkaanni innuttaasut 3000-it sinneqalaarput piniagassat pisassiissutigineqartartut isigigaanni ikippallaarujussuarput inuttut piniartutullu pisinnaatitaaffianertut taaneqartariaqarput akueriuminaatsorujussuaq.

Assersuutigalugu Tasiilap eqqaanilu qilalukkat 5-it kisimik pisassiissutigineqarput ukioq 2021 aallarfigalugu taavalu 2022-miit pisasaarutsinneqassapput. Tasiilap avannaaniittoq Kangerlussuaq eqqassanngikkaanni. Tassani aatsaat 2021-mi qilalukkat 10-it 2022-mi 15-it taavalu 2023-mi 10-it tassa ungasissumut angalaqqaarluni qilalugarniartoqarsinnaannngussaaq tamannalu Tasiilarmiunut eqqaamiuinullu ilungersunassaqaq.

Assersuut aamma aana qanoq naligiinngitsigisumik piniakkanik agguassineq ingerlanneqartoqtakutilaassallugu Kitaani qernertartassat 2021-mut 424-it Qaqortartassat 320-it aamma taakku ajorinngilluinnarpagut. Kisianni Tasiilap eqqaamiuinullu Qilalukkat qernertat tallimat ukioq 2021 naallugu. Qilalukkat qaqortat Tunumi piniacquusaanngillat aperisariaqarpugut soorooq?.

Piniarnermut nakkutilliisoqarnissaat kissaatigineqarpoq Tasiilami eqqaamiuinilu. Tassami namminneq misigisatik ilisimasatillu tusaaneqassanatik atorneqassanatik pimmata. Piniartut innuttaasullu oqariartuutaat piniagassanut tunngasut upperineqarnerat killeqartaqisog innuttaasut piniartullu oqariartuutisarpaat.

Taamaattumik aamma pisortatigoortumik nakkutilliinermik ingerlatsisoqarpat paasineqarnissaat annertunerussiaq, tassami piniarnermi nakkutilliisut aamma nakkutilliinermi piniakkat qanoq inissimanerat maluginiarluarsinnaammassuk.

Tassami piniakkat kisimik nakkutigineqarnissat kisimi pineqanngilaq, aalisarnermi aalisarfiit, piniutinik atuinerit, timmissat piaqqiorfiinik nakkutilliinerit illersuinerillu, eqaloqarfiit nakkutigineqarneri piniarfigineqartarnerilu. Minnerunngitsumillu pinngortitaq avatangiisaalu nakkutigineqarneri eqqarsaatigalugit nakkutillisoqarnissaa aaqqittariaqarpoq. Tassami naalakkersuisut akissutaanni ukiut pingasut tikillugit alakkarneqarsimanngillaalluunniit.

Ilami qaammasagut imatut killeqartigaat Nannunngooq inoqarfinnut pulappata qimaatinniarlugit pissagutta toqussanngilagunngooq Iganngooq matui imminnut kallussaatinnarlugit qimaatinniartassavagut.

Piniarnermut nakkutilliisumik siunnersuut tamakkiisumik taperserparput.

Hans Enoksen